



UNIVERSITÄTS-  
BIBLIOTHEK  
PADERBORN

## **Paraenesis De Eleemosyna**

**Alardus <Aemstelredamus>**

**[Köln], 1545**

**VD16 A 1250**

Qui sint domestici fidei. Quis item egenus & paup.

---

[urn:nbn:de:hbz:466:1-63012](https://nbn-resolving.org/urn:nbn:de:hbz:466:1-63012)



## DE ELEEMOSYNÄ.

pimus, dummodo scianus prima secundis & tertijs præferenda.

*Qui sint domestici fidei. Quis item egenus & paup.*

**H**ieronymus questione prima ad Hedibiam. Interrogas quomodo perfectus esse quis possit, & quomodo uiuere debeat uidua, quæ sine liberis derelicta est. Hoc idem in euāgelio legis doctor interrogat: Magister, quid faciens, uitam æternā possidebo? Cui respondit dominus: Mādata nosti? Dicit ille, Quæ? Iesus autem dixit: Non homicidiū facies, non adulterium, non furtum, non falsum dices testimonium, honora patrem & matrem, & diliges proximum tuum sicut teipsum. Et illo dicente: hæc omnia feci, dominus intulit. Vnum tibi deest. Si uis esse perfectus, uade & uende omnia quæ habes, & da pauperibus, & ueni sequere me. Itaque & ego tibi dominij nostri respondebo sermonibus: Si uis esse perfecta, & tollere crucem tuā, & sequi dominum saluatorem, & imitari Petrum dicentem: Ecce nos dimisimus omnia, & secuti sumus te, uade & uende omnia quæ habes, & da pauperibus, & sequere saluatorem. Non dixit da filijs, da fratribus, da propinquis, quos etiam si haberes, iure his dominus præferretur, sed da pauperibus: imo da Christo, qui in pauperibus pascitur. Qui cum diues esset, pro nobis pauper factus est, qui loquitur in tricesimo primo Psalmo: Ego autem mendicus sum & pauper, & dominus sollicitus est pro me. Statimq; quadragesimi psalmi de eo exordium exordiū est: Beatus qui intelligit super egenum & pauperem.



## DE ELEEMOSYNA.

Intelligentia opus est, & post intelligentiam beatitudine, qui sit egenus & pauper. Non utique ille, qui mendicitate & squallore coopertus est, & tamē nō recedit a uitijis: sed de quibus Apostolus loquitur: Tantum ut memores essemus. Ob quorum refrigeria laborant Paulus & Barnabas in ecclesijs gentium, ut collectę fierent per primam sabbati, & hęc ipsam oblationem, non per alias, sed per se deferre festinant, his qui suas pro Christo amisere substantias, qui persecutiones passi sunt, qui dixerunt patri suo & matri, uxoribus & liberis: Non nouimus uos. Hi impleuerunt uoluntatem patris, & audierunt dicentem dominum saluatorem, Mater mea & fratres mei hi sunt, qui faciunt uoluntatem patris mei. Et hęc dicimus, non quod in pauperes Iudeos siue gentiles, & omnino cuiuslibet gentis pauperes, prohibeamus faciendam eleemosynam, sed quod Christianos & credentes pauperes, incredulis preferamus, & inter ipsos Christianos sit multa diuersitas, utrum peccator an sanctus sit. Vnde & Apostolus passim in omnes misericordiam probans infert, maxime in domesticos fidei. Domesticus fidei est, qui eadem tibi religione coniungitur, quem a consortio fraternitatis pietā non separant. Quod si de inimicis quoque nobis præcipitur, ut si esurierint, demus eis cibum, si sitierint, demus eis potum, & hęc facientes congregemus carbones super caput eorum, quanto magis de his qui non sunt inimici, & qui Christiani sunt atque sancti? Neque uero hoc quod dicitur: hoc enim faciens carbones ignis congregabis super caput eius, in malam partē acci-

E



## DE ELEEMOSYNA.

piendum est, sed in bonam, quādo enim inimicis nostris præbemus beneficia, maliciam eorum nostra bonitate superamus, & mollimus duritiā, iratūq; animum ad mollicitem & beneuolentiā fleximus, atq; ita congregamus carbones super capita eorum, de quibus scriptum est: Sagittæ potentis acutæ, cum carbonibus defolatorijs, ut quomodo de altari a Seraphin carbo sublatus, Prophetæ labia purgant: ita & inimicorum nostrorum peccata purgentur, & uincamus in bono malum, & benedicamus maledicentibus, & imitemur patrem nostrum, qui solem suum oriri facit super bonos & malos, & pluit super iustos & iniustos.

*Pauperem non simpliciter appellari.*

**P**orro autem operæ precium fuerit priusquam ostendamus, quanam sint sancti illi pauperes ostendere, quis in genere dicatur pauper. Quisquis autem alieno indiget auxilio pauper est, eidemq; per quam necessaria est misericordia. Græcis appellata eleemosyna, quæ non in sola pecuniarum largitione (ut male sibi uulgus per suadet) consistit. Verum in quouis opere quo humanæ succurritur inopiæ. Nec item solum pauperes sunt, qui destituuntur pecunia, sed quotquot uel uiribus corporis uel sanitate uel ingenio iudicioque, breuiter, omnibus fortunæ commodis. Ad hunc ordinem referendum est fortasse, quod est in Apocalypsi, Quia dicis quod diues sum & locupletatus, & nullius egeo, & nescis quia tu es miser, & miserabilis, & pauper, & cæcus, & nudus, Hieronymus in Mat-